

Sarajevo, 30.01.2026.godine

Klub SDP-a u Skupštini Kantona Sarajevo
Predsjednik kluba zastupnika Davor Čičić

ZA:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Ministarstvo za rad, socijalnu politiku, raseljena lica i izbjeglice

U skladu sa članom 106. i 213. Poslovnika Skupštine Kantona Sarajevo, dostavljam:

ZASTUPNIČKA INICIJATIVA

Prema **Ministarstvu za rad, socijalnu politiku, raseljena lica i izbjeglice**

Za izmjenu člana 15. stav (1) Zakona o posebnim programima Kantona Sarajevo za memorijalizaciju genocida, podršku povratku i razvoju Srebrenice, pomoći žrtvama i porodicama žrtava genocida nad Bošnjacima zaštićene zone UN "Srebrenica" ("Službene novine Kantona Sarajevo", broj 18/22), na način da se u članu 15. stav (1) Zakona o posebnim programima Kantona Sarajevo za memorijalizaciju genocida, podršku povratku i razvoju Srebrenice, pomoći žrtvama i porodicama žrtava genocida nad Bošnjacima zaštićene zone UN "Srebrenica" riječi: *"Nadzor nad primjenom ovog zakona u smislu praćenja realizacije programa i projekata iz Plana i programa vrši Ministarstvo za rad, socijalnu politiku, raseljena lica i izbjeglice Kantona Sarajevo"* mijenjaju i glase: *„Nadzor nad primjenom ovog zakona u smislu praćenja realizacije programa i projekata iz Plana i programa vrši Ured Vlade Kantona Sarajevo za podršku Srebrenici."* S tim u vezi neophodno je da se zaduži nadležno ministarstvo da pripremi tekst Nacrta Zakona o izmjenama Zakona o posebnim programima Kantona Sarajevo za memorijalizaciju genocida, podršku povratku i razvoju Srebrenice, pomoći žrtvama i porodicama žrtava genocida nad Bošnjacima zaštićene zone UN "Srebrenica", a sve u skladu sa ovom inicijativom.

OBRAZLOŽENJE

Zakonom o posebnim programima Kantona Sarajevo za memorijalizaciju genocida, podršku povratku i razvoju Srebrenice, pomoći žrtvama i porodicama žrtava genocida nad Bošnjacima zaštićene zone UN "Srebrenica" uspostavljen je Ured Vlade Kantona Sarajevo za podršku Srebrenici, a koji vrši stručne i administrativno-tehničke poslove, koji se odnose na: a) program obnove i rekonstrukcije objekata koji se realizira putem javnog poziva (stambeni/poslovni objekti i drugi objekti u vlasništvu/suvlasništvu fizičkih lica iz člana 5. st. (1), (2), (3), (4), (5), (6) i (7) Zakona o posebnim programima Kantona Sarajevo za memorijalizaciju genocida, podršku povratku i razvoju Srebrenice, pomoći žrtvama i porodicama žrtava genocida nad Bošnjacima zaštićene zone UN "Srebrenica" koju planira i realizira Ured; b) program podrške infrastrukturnim projektima (elektrifikacija, vodovod i putna infrastruktura) u saradnji sa drugim institucijama na državnom, entitetskom i lokalnom nivou području regije istočna Bosna; c) program podrške obrazovanju i radnom osposobljavanju lica (stipendiranje i sufinansiranje studija, edukacija i osposobljavanja fizičkih lica iz člana 5. st. (1), (2), (3), (4), (5), (6), (7) i (8) Zakona) koju planira i realizira Ured uz konsultacije sa Ministarstvom za odgoj i obrazovanje Kantona Sarajevo i Ministarstvom za nauku, visoko obrazovanje i mlade Kantona Sarajevo; d) program podrške istraživačkim projektima o genocidu, povratku i ljudskim pravima (otvoren za fizička lica koja ispunjavaju uslove iz člana 5. st. (1), (2), (3), (4), (5), (6), (7) i (8) Zakona) koju planira i realizira Ured; e) program besplatne pravne pomoći putem pravne službe Ureda (dostupan fizičkim licima koja ispunjavaju uslove iz člana 5. st. (1), (2), (3), (4), (5), (6), (7) i (8) Zakona i pravnim licima u kojima imaju suvlasništvo od najmanje 25% lica koje ispunjava jedan od navedenih uslova, a koja su registrovana na području regije istočna Bosna) koja će obuhvatiti zaštitu prava pred domaćim i

međunarodnim sudovima se odnosi i na ostvarivanje prava i savjetovanje pri sastavljanju podnesaka, žalbi, zahtjeva i drugih pravnih akata koje upućuju jedinicama lokalne samouprave i drugim institucijama uprave i organima Bosne i Hercegovine, entiteta Federacija BiH i Republika Srpska; f) program podrške investicijama na području jedinice lokalne samouprave Srebrenica (dostupan za privredna društva, obrte, zadruge i gazdinstva sa sjedištem ili registrovanom filijalom na području regije istočna Bosna) koju planira i realizira Ured; g) program podrške kulturnim, umjetničkim i sportskim projektima na području jedinice lokalne samouprave Srebrenica putem javnog poziva (dostupan za prijavu fizičkim i pravnim licima sa područja Kantona Sarajevo ili sa područja jedinice lokalne samouprave Srebrenica) koju planira i realizira Ured; h) program mobilnosti visokokvalifikovane radne snage na području jedinice lokalne samouprave Srebrenica putem javnog poziva (stipendiranje/finansiranje privremenog ili trajnog boravka visokokvalifikovanih lica za rad i doprinos zajednici u Srebrenici dostupan za prijavu fizičkim licima-državljanima BiH po ispunjavanju uslova iz člana 5. stav (8) Zakona) koju planira i realizira Ured; i) godišnji grant Memorijalnom centru Srebrenica-Potočari Spomen obilježje i mezarje za žrtve genocida iz 1995. godine za istraživačke i razvojne aktivnosti; j) program podrške udruženjima građana i fondacijama za aktivnosti održivog povratka, zaštite ljudskih prava i drugih aktivnosti vezanih za borbu protiv diskriminacije, govora mržnje, građanskog organizovanja na području jedinice lokalne samouprave Srebrenica putem javnog poziva (dostupan za prijavu udruženjima građana i fondacijama sa područja Kantona Sarajevo i sa područja jedinice lokalne samouprave Srebrenica) koju planira i realizira Ured; k) program učešća u subvencioniranju organizacije javnog prijevoza na području jedinice lokalne samouprave Srebrenica, prijevoza djece i đaka osnovnih i srednjih škola na području regije istočna Bosna, redovnog autobuskog saobraćaja na liniji Srebrenica-Sarajevo-Srebrenica koju planira i realizira Ured na osnovu javnog poziva, koji je otvoren za sva privredna društva koja ispunjavaju uslove za provedbu aktivnosti ove vrste transporta putnika; l) program podrške roditeljima i djeci kroz posebno aktivnosti podrške po rođenju djeteta, redovne podrške roditeljima sa troje i više djece do punoljetstva, nabavku školske opreme i drugih oblika dodatne asistencije za roditelje koji ispunjavaju uslove iz člana 5. stav (8) Zakona, koju planira i realizira Ured; m) program podrške ostvarivanju zdravstvene zaštite na području Kantona Sarajevo, što uključuje pristup konsultativno-specijalističkoj zaštiti, dijagnostici, banjskom liječenju, što će se refundacijom troškova realizirati Ured po osnovu zahtjeva za lica koja su obuhvaćena članom 5. st. (1), (2), (3), (4), (5), (6), (7) i (8) Zakona, a do potrošnje planiranih sredstava na godišnjem nivou za ove namjene i n) druga pitanja koja se odnose na provođenje Zakona.

S poštovanjem,

Davor Čičić
Predsjednik kluba zastupnika SDP BiH
u Skupštini Kantona Sarajevo